

ZABILJEŠKE

sa sastanka održanog 21.11.2019. godine u Sarajevu, prezentacija radnog teksta „Uredbe o metodologiji utvrđivanja najniže osnovne cijene vodnih usluga“ kroz projekat GoAL WaSH putem UNDP-a

UNDP-a i FMPVŠ su organizovali sastanak kako bi prezentirali najnoviji radni tekst „Uredbe o metodologiji utvrđivanja najniže osnovne cijene vodnih usluga“.

Radni tekst Uredbe je pripremljen prema međunarodnim principima i EU direktivama za ovu oblast. Uredbom se planira ekonomsko reguliranje i optimalno upravljanje ovim sektorom u roku od 10 godina od donošenja iste, kako bi se pripremili preduvjeti za implementaciju vodno-komunalnih direktiva EU (ViK-a) i kapitalno investiranje u ovaj sektor, uz poštivanje principa priuštivosti.

Prezentacija je bila namijenjena Vodovodnim JKP/članice UPKP FBiH, lokalnim zajednicama odnosno osnivačima vodovodnih JKP, (Grad, Općina i Kanton) Vladama i Resornim ministarstvima u FBiH i Savezu općina i gradova u Federaciji BiH.

S obzirom na veliki broj prisutnih na ovom skupu, može se zaključiti da je ovaj projekat saživio u javnosti. Jedan dio Vodovodnih JKP su se dogovorili sa Osnivačem da Metodologiju za utvrđivanja cijena primjenjuju u svom radu iako još nije usvojena ni postala obavezujuća.

Najviše pitanja su imali predstavnici JLS i to prvenstveno za članove 29 i 30 koji se odnose na obaveze Osnivača.

Predstavnik UPKP FBiH je predložio da UNDP oformi Radni tim koji bi sačinio prijedlog teksta za formiranje Regulatornog tijela a koji bi se mogao primijeniti na sve nivoe vlasti.

Predlaže se Upravnom odboru UPKP FBiH da inicijativu uputi UNDP-u s obzirom da je formiranje Regulatornog tijela prozvano u članu 29 Uredbe o metodologiji utvrđivanja najniže osnovne cijene vodnih usluga“ i bit će obavezno nakon usvajanja Uredbe u FBiH.

Rad na Uredbi za FBiH se nastavlja, sa pojačanim aktivnostima prezentacije radnog teksta i prikupljanja komentara i mišljenja fokusiranih na kantone, JLS, pojedinačne organizacije/tijela/ institucije kao što su Predsjedništvo SOG FBiH, Kanton Sarajevo, Federalni zavod za programiranje razvoja FBiH, te šire javnosti kroz učešće na različitim konferencijama.

Na ovom sastanku je potvrđeno da će se usvojiti u formi Nacrta i da će biti predmet široke javne rasprave.

UNDP je dostavio informaciju da je službeno odobren nastavak aktivnosti na projektu GoAL WaterS (bivši GoAL WaSH) do kraja oktobra 2020 godine.

Budžet ne predviđa dodatna nova sredstva nego samo neutrošena sredstva iz 2019. godine.

UNDP je informisao URED UPKP FBiH da će se 17.12.2019. godine održati konsultativni sastanak Projektnog odbora kako bi se utvrdile dalje aktivnosti u 2020. godini koje će se fokusirati u svrhu podrške procesu usvajanja navedene Uredbe u FBiH, kao i mogućnost kreiranja istog ili sličnog akta u RS-u i razmatranje svih ideja koje mogu da doprinesu uspostavljanje boljeg Regulatornog okvira za određivanje cijena usluga vodosnabdijevanja i kanalizacije u Bosni i Hercegovini.